

## ESKU-IDAZKIAK

## XIV GORAPEN-ABESTIA

*Eskerrak emoten dautsudaz, Jauna,  
egiarako irakasle izan zintzakidazalako.*

*Zeure misterio miragarriak ezaguerazo zeustazan,  
gizon makalarentzat dozun ontasuna,  
oraindiño biotz gaiztoa dabeneztat dozun erruki pilla.*

<sup>23</sup> *Nor da jainkoen artean Zeu lakorik, Jauna?;  
nor da Zeu lako egiazirik?*

*Nor urtengo da zuzendun zure aurrean, auzian?*

<sup>29</sup> *Ez dago zure auziratzeari erantzun aal dagion  
bat bera be;*

*aintza bakotxa putz bat da,  
ezin daikeo iñok zure sumiñari gogorrik egin.*

<sup>30</sup> *Egiaren seme guztiak onartuko dauz zure aurrean zure parkamenak,  
zure ontasun andiak euren pekatuetatik garbitutakoak,  
zure erruki azken-bageak,*

<sup>31</sup> *(seme areik) gizaldien gizaldietan zeure aurrean egonerazoteko.*

*Zeure etxean, Jainko betikoa,  
zidor zabalduak dagozan tokian,*

<sup>32</sup> *iñor be ez dabil Zugandik kanpo betiko.  
Nor da gizona, makala, putz ariña,*

<sup>33</sup> *zure egintza miragarriak ulertzeko,  
Zeuk irakasten ez ba'dozu?*

## XV GORAPEN-ABESTIA

<sup>34</sup> *Eskerrak emoten dautsudaz, Jauna,  
nire zoria utsaldera jausten laketu ez zendualako.  
Nire izena ez dago azalutsen bazkunean idatzita.*

<sup>35</sup> *Bestetara baiño; zure bideetan aalegiñaz burrukan egitea*

*billatzen dabenen artean (dago),  
zure parkamenetan, zure erruki ugarietan,  
euren erabagien zuzentasuna zuzentzeko sendotzen diran artean*

<sup>36</sup> *[...] salduta [...] damubageak.*

VIII sorta

<sup>1</sup> ... ..

<sup>2</sup> [...] zure zuzentasuna betiko ezarri zenduan

... ..

## XVI GORAPEN-ABESTIA

<sup>4</sup> *Eskerrak emoten dautsudaz, Jauna,  
lur legorretik errekek darien tokietara eroan nenduzulako,  
agorizen ez diran iturri-tokietara,  
garastada-urtegi ertzera.*

<sup>5</sup> *Lorategia jarri zenduan basamortuan:  
gauarbolak, zumarrak, enbor gogorrak.  
Zeure diztira.*

<sup>6</sup> *Iturburu ezkututsu baten ondoan  
bizi-zugatzak jagiten dira ur-landaren artean.*

*Arein artean erneko da, ernamiña lez, landarategi betikoa.*

<sup>7</sup> *Arein zusterak ezetasunezko joera sakonetaruntz,  
arein bidez edango dabe enborrak ur-bizia,*

<sup>8</sup> *ur-bizi betikoen erdikide izango dira.*

*Iturri-ondoan, zarta-artean,  
larratuko dira basoko abere guztiak.  
Enborren artetik bide barriak eta zidorrak edegiko dira.*

<sup>9</sup> Aren adarrak txori guztientat balio izango dabe.

Ur-ietatik asiko dira egaztadan egaztiak, arein orritza-artetik jagiko dira.

<sup>10</sup> Nor izango da ur-biziai bere zusterrak luzatuko dautsezan ori?

Nok erneazoko dau santutasun-ernamiña, egiazko alorrak?

<sup>11</sup> Onezkeru aretzaz iñok ez pentsatzeraiño geratuko da ezkutuan.

Aren misterioa ez da ezagutua izango, sillututa geratuko da.

Baiña Zuk, Jainko orrek!, babestu egin zenduan aren gerokoa

zure gizon arrigarrien misterioan,

<sup>12</sup> bikaintasun-misterioen artean eta sugarren zurrunbilloan.

Bitartean, iñor be ez da urreratuko bizi-iturburura, santutasuna darion iturrira, landarategi betikoetara.

<sup>13</sup> Ez da edango, ez fruturik sortuko, ukatu egingo yake odeien ugaritasuna,

<sup>14</sup> bizi-iturria, erreka agortu-eziña ikusia izan dalako, baiña ez onartua, aztertua bai, baiña ez sinistua.

<sup>15</sup> Ibai ondatzailleak urratutako lurra lez geratu nintzan, lopatzaz bete nenduen.

<sup>16</sup> Baiña Zuk, ene Jainko orrek, nigan barriro berbak jarri dozuz, udazken-auria lez, egarri diran guztientzat eta iñoiz be isilduko ez diran ur-bizien iturri lez.

<sup>17</sup> Zabaldu egingo dira zeruak amaibagako euriz;

legortu ta agortuta dagozan larren gaiñera edozein izaki bizirentzat urak ugari jausiko dira.

<sup>18</sup> [Zugatzak] gerizpea emongo dautsee txoriai ta abereai.

<sup>19</sup> Zuzenbageak, beruna lez, ur oldartsuetako sakonera joango dira.

<sup>20</sup> Suaren arrapakin izango dira, kiskalduak. Baiña landarategi alekorra

iturri betikoan aziko da atsegin-tokia izateko.

<sup>21</sup> Neugaitik edegi zenduzan aren iturburuak eta arein ur-gaiñeari negurri iraunkorra emon zeutsan.

Utsunetan eta eguzkitan jarritako arein zugatzen-tzat,

<sup>22</sup> igartu ez daitezana, arein baruza zabaldu daiten, ikusgarri.

Neure eskuen indar guztia jarten dot

<sup>23</sup> arein ur-bideak sakontzeko. Orregaitik, arein zusterrak arkaitz urratu-eziñetan sartzen dira.

Lurra be sendotu egiten da, baita aren enborra be.

<sup>24</sup> Uda-erdian be euren ezetasuna gordeten dabe. Baiña, nik neure eskuak atzeratu ba'nengiz, guztia gaztokia lez izango litzake,

<sup>25</sup> mendi-bizkarrak lez aren enborrak, [aren arraiñak] txerketx utsalak, aren enborrak igartuta, biurtuta, uaska-ondoetan.

<sup>26</sup> Aren frutuak basa-frutu biurtuko litzakez. Aren baruza igartu egingo litzake bero goriagaitik. Ez litzake urentzat [...] igarobiderik izango. Dardarak, aintzira-gatxak, zauri zabalduak.

<sup>27</sup> Olantxe natza bertan-beera itzitako izaki bat lez,

indar bagarik nago.

Nire zauriak andiagotu egiten dira

<sup>28</sup> samiñez, miñez, ariñaldi bagarik.

Nire biotza zati-zati eginda dago. Eiota nire barruan.

Sheol'era jatsiten diranak lez,

<sup>29</sup> ildakoakaz noa jitoan lez...

Nire espiritua leza-baztarreraiño eldu zan.

Nire arimea makaltzen doa gau ta egun, eten bagarik.

<sup>30</sup> Nire azurretara su urtua isurten da, aren garrak irunsi egiten nau egunen barruan

<sup>31</sup> neure indarrak ezerezturik, edozein iraupenek jasan daiken baiño geiago.

Iruntsiten diardu nire aragia, beronen aurka erabagi dana bete arte.

<sup>34</sup> Estaldu egiten nabe olatuak. Ito bearrez nago. Barruruntz eta kanporuntz indarrez erakarrita, neure eziña somatzen dot.

Nire gizontasunaren kemena argizari urtua lez eze-rezten da;

koldartasuna soillik geratzen da ... [triskantzatza[... Itsas-aundiko sakonak orroeka diardue; aren olatuak itzalak dira, erraldoiak, baiña odolezkoak.

<sup>33</sup> Lurra garrasika dago munduaren gaiñera datorren ondamediagaitik.

Azpikariak, «Goral», diño deadarka.

Lurreko bizilagun guztiak burutik jota dagoz,

<sup>34</sup> ondamendi aundiaren erdian alboraka dabiz. Jaungoikoak trumoia lez joerazoten dau bere abots aaltsua.

Aren bizitoki santua gorabeeratu egiten da

Aren aintzaren tximits-isil dirdiratsuz.

<sup>35</sup> Zeruetako gudarozteak bere abotsa jasoten dau.

Munduaren ondopeak dardaraka ta koloka dagoz.

<sup>36</sup> Zeruko indartsuen guduak mundua zigorkadaz astintzen dau.

Zigor ori, ondamendi amaibagea bete arte ez da gel-dituko.

Orrelaxe izango da amaia.